

Premia de stüde

Regolamënt

Art. 1 Iscriziun dl concurs

La Cassa Raiffeisen Val Badia, scrí fora, tl ademplimënt de sües finalités statutares de sozieté cooperativa, por le otav iade, n concurs por l'assegnaziun de premies de stüde por l'ann de scora 2024/2025 y l'ann academich 2024/2025. Les premies é rerservades ai studënc che stlujará jö cun de bugn resultat, sciöche definis te chësc regolamënt, le stüde te istituc y scores de secundo gre (scora alta) o profescionales y cursc universitars de laurea de dötes les facultés frequentá tla Talia o ince foradecá.

La partezipaziun al concurs é rerservada **ma** ai sozi, sciöche porsones fisiches, y ai fis y fies di sozi, che resultëia en la data de presentaziun dla domanda scric ite tl liber di sozi dla Cassa Raiffeisen Val Badia y che á n cunt pro la Cassa Raiffeisen Val Badia.

Art. 2 Sort de premies

Les premies é partides sö te **trëi categories** y al gnará ma tut en conscidraziun les domandes prejentades che corespogn ai recuisic dessot:

- **Categoria "A"** - da 300,00 Euro por studënc dla scora secundara de secundo gre (**scora alta**) che ará arjunt le diplom de maturité tl ann de scora 2024/2025 cun na valutaziun minima de 95 sön 100 punc. La premia por la scora alta/profescionala pó ma gní assegnada un n iade: do la matura o do l'ejam de laurant artejanal cualifiché.
- **Categoria "B"** - da 300,00 Euro por stüdencc dla **scora profescionala** che ará arjunt le diplom de laurant artejanal cualifiché tl ann de scora 2024/2025 cun na valutaziun minima de 9,50 sön 10 punc. La premia por la scora alta/profescionala pó ma gní assegnada un n iade: do la matura o do l'ejam de laurant artejanal cualifiché.
- **Categoria "C"** - da 500,00 Euro por studënc dla **université** che ará arjunt la laurea tl ann academich 2024/2025 cun na valutaziun minima de 105 sön 110 punc por i cursc universitars talians o cun n resultat corespondënt söla basa de tabelas de converjiun por les universités foradecá. La premia por la laurea pó ma gní assegnada un n iade: o do i trëi o do i cater/cin agn.

L'assegnaziun dles premies de stüde vëgn stabilida dal Consëi d'Aministraziun dla Cassa Raiffeisen Val Badia cun na dezijiun definitiva söla basa dla gradatöra dles domandes aladò dl mirit:

- I concorënc che á frequenté istituc y scores d'istruziun secundara de secundo gre (scora alta) o profescionales tl ann de scora 2024/2025 mëss desmostré da avëi i recuisic indicá dessura cun

n certificat relascé dala scora o dal istitut ch'ai á frequenté. Dal concurs é stlúc fora i studënc repetënc.

- I concorënc che é stá scric ite a cursc universitars por l'ann academich 2024/2025 mëss desmostré da avëi i recuisic tres n certificat relascé dala Université cun la valutaziun finala.
- L'eté mascima di studënc universitars, che n'á nia lauré tratan le stüde, ne podará nia avëi superé 30 agn en la data de presentaziun dla domanda. L'eté mascima di studënc univeresitars che á lauré tratan le stüde ne podará nia avëi superé 35 agn en la data de presentaziun dla domanda.

Art. 3 Termo por la domanda

La domanda de tó pert al concurs messará gní scritta fora, firmada y dada jö pro les portines dla Cassa Raiffeisen Val Badia o menada por mail anter ai **30 de setëmbër 2025**.

Ala domanda mëssel gní injunté chisc documënc:

- Le certificat/diplom dla scora o dla université.
- Fotografia (portrait) digitala da ortié ala misciun de postaelectronica stefanie.dapoz@raiffeisen.it
- La detlaraziun de "Consëns por le tratamënt di dac personai - D.lgs 196/2003" por podëi adoré la fotografia y i atri dac por fins interns.

Art. 4 Gaujes d'esclujun

Stlúc fora dal concurs é studënc che:

- á repetü n ann de scora;
- n'á nia lauré tratan le stüde y che á complí 30 agn en la data de presentaziun dla domanda;
- á lauré tratan le stüde y che á complí 35 agn en la data dla presentaziun dla domanda;
- n'á en la data de presentaziun dla domanda nia n cunt por la Cassa Raiffeisen Val Badia;
- presentëia la domanda cun la documentziun nia completa o do ch'al é tomé le termo;
- é sozi y i fis*es de sozi scric ite tl liber di sozi sciöche porsones iuridiches.

Art. 5 Comunicaziun di resultač y surandada dles premies

Do la formaziun dla gradatöra gnará i assegnatars avertis dala Cassa Raiffeisen Val Badia anter le mëis d'otober tres na lëtra cun indicaziun dl post y dla data de surandada dla premia.

La gradatöra suradita gnará ince publicada sön la plata internet <https://www.raiffeisen.it/valbadia>, sön nüsc profils social media (Instagram y Facebook) y te d'atres publicaziuns.

Art. 6 Privacy

Aladô dl art. 13 dl D.Lgs. nr. 196/2003, gnará düc i dac abiná adöm y tratá sciöche dac sensibli y anuzá esclusivamënter por l'assegnaziun dles premies.